



O TSOGILE

MAPULA MARTHA MALATJI

Diswantšho ka Jonanda Kannemeyer

O TSOGILE

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475766

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladiswantšho: Jonanda Kannemeyer
Morulaganyi: Caption Communications le Elizabeth Phala
Motlanyi: Imprint Publishing

Dikanegelo tša Beibele
TESTAMENTE YE MPSHA

**MATEU 26-28,
LUKASE 22 le JOHANESE 20**

O TSOGILE

Baprista ba bagolo le boramangwalo ba be ba loga maano a go bolaya Jesu. Ge nako ya Paseka e batamela maano a bona a tšwelela.

Paseka ke nako ya monyanya wa dinkgwa tša go hloka komelo. Monyanya o bohlokwa ka ge Bajuda ba keteka le go leboga ge Modimo a ba ntšhitše Egepeta.



Paseka ge e fihla, Jesu a dula dijong le barutiwa ba gagwe. A re go bona, "Ke dumile go ja Paseka le lena, pele ke hlokofatšwa." A tšea senkgwa a leboga Modimo, a se ngwathaganya, a se fa barutiwa ba gagwe a re: "Tšea le jeng, se ke mmele wa ka."

Morago a tšea senwelo a leboga Modimo, a re go bona, "Senwelo ke kgwerano ye mpsha le Modimo ye e tlišwago ka madi a ka ao a tlogo tšhollelwa lena."




Ka morago ga fao, Jesu le barutiwa ba gagwe ba ya lefelong leo le bitšwago Getsemane. Ge ba fihla a re go bona, "Dulang mo ke sa ya go rapela."


Jesu a aparelwa ke leru le lesa. A re go bona, "Ke nyamile la gō hwa."

Ka morago ga fao a tloga le Peterose le barwa ba Sebediose ba babedi.

Ge ba le fao, gwa tšwelela lekoko la mo swara.








Jesu a bapolwa sefapanong ka Labohlano mosegare. Ka yona nako yeo letšatši la fifala, naga ya aparelwa ke leswiswi gomme seširo sa tempele sa gagoga ka bogare.

Ge tšeo di direga a goelega a re, "Tate, ke gafela moya wa ka diatleng tša gago." Lebakeng leo, moya wa gagwe wa tlogela nama.

Molaodi wa lekoko la bahlabani ge a bona tše a re, "Ka nnete yo ke morwa wa Modimo."






Jesu a bolokwa, lebitla la tswalelwa ka leswika.

Mesong ya Sontaga, Maria Magadalena a tsogela lebitleng e sa le ka masa. Ge a fihla, a humana leswika le tlošitšwe, a thoma go lla. Ge a lla bjalo, a hlodimela ka lebitleng, a bona barongwa ba babedi bao ba aperego tše tšhweu. Yo mongwe a le hlogong gomme yo mongwe a le maotong moo mmele wa Jesu o bego o beilwe gona. Maria a botšiša gore mmele wa Jesu o išitšwe kae.

Ge a retologa, a bona Jesu a eme pele ga gagwe. O be a phela! Ke ka moo a ilego a kitima a ya go botša barutiwa ba gagwe tšohle tšeo a di bonego.





Thapelo

Tatawešo wa magodimong, re a go leboga ge o re akaretša morerong wa Gago wa go lebelela batho ka moka sebeng. Re a leboga Morena gore ge re dumela go Jesu, gomme ra dumela ka dipelong tša rena gore o tsošitšwe bahung, re tla phološwa.

Amen.

Dipotšišo

1. O nagana gore gobaneng Paseka e le bohlokwa go Bajuda?
2. Paseka ke nako ya borotho bja mohuta mang?
3. Ke bomang bao ba bego ba loga leano la go bolaya Jesu?
4. Jesu o bapotšwe sefapong ka la bokae?
5. O ile a tsoga neng?
6. Naa wena o dumela gore Jesu ke mophološi? Fahlela karabo ya gago.

Lapa La Ga Maponto

Lapa la ga Maponto e be e le lapa la go tsebega motseng wa Makhuduša. Morena le Mohumagadi Maponto ba be ba se na bana.

Le ge go le bjalo, ba be ba rata bana ka moka ba motse wa Makhuduša.

Batswadi ge ba hloka sefatanaga sa go iša bana klilining ba be ba tseba gore Morena Maponto o tla ba thuša.

Bana ge ba hloka sa go ja ka gae, ba ya go Mma Maponto. Le bao ba hlokago tšhelete ya go tšwetša dithuto pele ba be ba eya ga Maponto gomme ba humana thušo.

Ba ga Maponto ba be ba rata Modimo ebile ba mo hlankela ka mehla.



Ka manyami, ka tšatši le lengwe koloi ya bona ya amega kotsing ye šoro, ba thulana le lori, gomme ba ikela boyabatho.

Ka tšatši la poloko moruti o ile a re, "Morena le Mohumagadi Maponto e be e le batho ba go loka ebile ba be ba ineetše go Jesu Kriste. Lehono ke a holofela gore le bona ba tla ba naye Parateising.

Potšišo ke gore nna le wena re eme kae? A naa, nna le wena re amogetše Jesu bjalo ka Morena le Mophološi wa rena?

Jesu o re hwetše sefapanong gore bao ba dumelago go yena ba be le bophelo bjo bo sa feleng."



Thapelo

Modimo Tate, re bofolle bokgobeng bja go hloka kwešišo ya gore Jesu o re hwetše sefapanong. Re rata go amogela Jesu Kriste e be Morena le mophološi wa rena.

Amen.

Dipotšišo

1. Morena le Mohumagadi Maponto e be e le batho ba mohuta mang?
2. Bana ba ga Maponto e be e le ba bakae?
3. Mma Maponto o be a rata go fa bana eng?
4. Kotsi e bile magareng ga koloi le eng?
5. Naa thero ya moruti e be e le maswanedi?
6. Naa dikanegelo tše di re ruta eng? Fahlela karabo ya gago.

Mantšu a maswa

Bapolwa = bolawa

Komelo = tlhabego


Lekoko = sehlopha sa mašole

Paseka = nako ya monyanya wa dinkgwa tša go hloka komelo


Mmolelo

Go aparelwa ke leru le leso = Go nyama


O Tsogile ke ye nngwe ya dipuku tše 20 tše di bontšhago dikanegeto tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6



Puku_7




Puku_8



Puku_9



Puku_10



Puku_11




Puku_12



Puku_13



Puku_14




Puku_15



Puku_16




Puku_17



Puku_18



Puku_19



Puku_20

O Tsogile

Taba ye e bolela ka lehu le tsogo ya Morena
Jesu Krete. Kanegelong ye re tlo ithuta ka ga
selalelo sa mafelelo le bagwera ba gagwe,
ka fao a ilego a swarwa, a latofatšwa ka
maaka gomme a romelwa lehung la gagwe.
Re tla ithuta gape ka fao a tsogilego bahung
go phološa nna le wena.

Lelapa la ga Maponto

Mo pukung ye re tlo ithuta gape ka ga
Morena le Mohumagadi Maponto. Monna le
mosadi bao ba bego ba rata Jesu, ba thuša
setšhaba sa gabo bona gomme ba ya gae
go ba le Jesu.



9781776475766

Sepedi